

Siunnersuut uunga: Sanaartorneq pillugu Inatsisartut inatsisaat nr. xx, yy 2010-meersoq

Kapitali 1
Inatsimmi siunertaasut atuuffissaalu

§ 1. Inatsimmi matuma siunertarineqarpoq:

- 1) sanaartukkat ikuallattoornissaq, isumannaallisaaneq peqqinnissarlu eqqarsaatigalugit naammaginartumik toqqisisimanartunngorlugit sananeqarnissaasa ilusilerneqarnissaasalu qulakkeerneqarnissaa,
- 2) sanaartukkat nunaminertallu sanaartorfiunngitsut sanaartukkanut atasut atuinissaq siunnerfigineqartoq eqqarsaatigalugu naammaginartumik pitsaassuseqalernissaasa aammalu illersorsinnaasumik aserfallatsaalineqarnissaasa qulakkeerneqarnissaa,
- 3) sanaartukkat innarluutilinnut atoruminartunngorlugit ilusilersorneqartarnerisa siuarsarneqarnissaa,
- 4) sanaartukkat ilusilersorneqarnermikkut pitsaassusiisa siuarsarneqarnissaat,
- 5) iliuusissat, sanaartukkani isumalluutinik pisariaqanngitsumik atuinissamut akiuissutaasussat siuarsarneqarnissaat, kiisalu
- 6) sanaartukkani atortut avatangiisirut ajoqtaanngitsut atorneqartarnerisa siuarsarneqarnissaat.

§ 2. Inatsit atorneqassaaq:

- 1) sanaartukkanik nutaanik sananermut aamma sanaartukkanik alliliinermut,
- 2) sanaartukkami allanngortiterinermut aammalu allatut, inatsimmi aalajangersakkanut imaluunniit inatsit naapertorlugu aalajangersagaliarineqartunut naleqqiullugu annertuumik allannguinermut,
- 3) sanaartukkat atorneqarnerannik, inatsimmi aalajangersakkanut imaluunniit inatsit naapertorlugu aalajangersagaliarineqartunut naleqqiullugu annertuumik allannguinernut, kiisalu
- 4) sanaartukkanik isaterinermut.

Imm. 2. Sanaartukkat tassaapput illut aammalu ilusilersukkat aalaakkaasut sanaartukkallu allat, inatsisip ilusilersukkanut aalaakkaasunut sanaartukkanullu atorneqarnerani inatsimmi isumagineqartussatut siunnerfigineqartussatut eqqarsaatigineqartunik tunngaveqarpata.

Imm. 3. Inatsimmi pineqartut tassaapput sanaartukkat, sanaartukkat qanga sananeqarsimancerat apeqqutaatinnagu aalajangersakkat ataasiakkaat imaanni tamatumunnga ersarissumik tunngaviliisoqarsimappat.

§ 3. Inatsit manna aamma inatsit naapertorlugu aalajangersagaliaasut sanaartukkanut aalajangersimasunik ilusilinnut atuutissanngitsut imaluunniit ilaannaasumik atuutissasut illuliornermi malittarisassani aalajangerneqarsinnaavoq, tak. § 5. Tassani assersuutigalugu pineqarput ikaartarfait, sulluliat, angallannermi sanaartukkat aamma imeqarfait il.il.

Kapitali 2

Sanaartukkat aamma nunaminertat sanaartorfiunngitsut sanaartukkamut atasut suliarineqarnissaannut, ilusilerneqarnissaannut aserfallatsaaliorneqarnissaannullu piumasagaatit

§ 4. Sanaartugaq aatsaat atorneqalersinnaavoq:

- 1) imermut eqqiluisaarnermi atoriikkamut avatangiisiniq illersuinissamut inatsisimmut naapertuuttumik kuuffiliisoqarpat igitsinissamulluunniit aaqqissuussisoqarpat,
- 2) imermik pilersuinermut inatsimmut naapertuuttumik imermik imigassamik pilersuiisoqalerpat, kiisalu
- 3) upalungaarsimanermut ikuallattoornissamullu inatsimmut naapertuuttumik qatserisinnaanermut isumannaatsumik periarfissaqalerpat.

Imm. 2. Sanaartornerup aallartinneqannginnerani imm. 1-imi piumasaqaatit naammassineqarsimanngippata, sanaartukkap atorneqalinnginnerani suliassat suliarineqarnissaannut qularnaveeqquisiinissaq communalbestyrelsip piumasarisinnaavaa.

§ 5. Illuliornermi malittarisassanik Naalakkersuisut aalajangersaassapput, tassanilu maledruagassat inatsit manna malillugu aalajangersarneqassapput.

§ 6. Illuliornermi malittarisassani sanaartukkat sananeqarnerinut ilusilersorneqarnerinullu maledruagassanik aalajangersaasoqarsinnaavoq, makku eqqarsaatigalugit:

- 1) isumannaallisaanissaq, ikuallattoornissaq peqqinnissarlu eqqarsaatigalugit isumagineqartussat,
- 2) teknikkimut atortulersuutit suliarineqarnissaat, tassunga ilaatinneqarlutik aalajangersakkat eqqiluisaarnermut teknikkimullu atortunik, kiisalu innarluutilinnut teknikkikkut ikiorsiissutinik aalaakkaasunik kingusinnerusukkut ikkussuisinnaanermut periarfissiisut,
- 3) atuinissaq siunnerfigineqartoq eqqarsaatigalugu sanaartukkat najugaqarfissat naleqquttimik ilusilersorneqarnissaat,
- 4) sanaartukkat inunnit innarluutilinnut atorneqarsinnaasunngorlugit sanaartukkanik kiisalu sananeqaatinik atortunillu aalaakkaasunik ilusilersuinissaq,
- 5) anguniagassanik malitassanik, sanaartukkat sananeqaataannik, atortut sananeqaataannik peqqutinillu assigissaakkanik atuinissamut iluaqutaasunik atuinissaq,
 - 6) iliuusissat, sanaartukkani piovereersuni taamatullu nutaani nukimmik pisariaqanngitsumik atuinissamut pinaveersaartitsissutaasussat,
- 7) sanaartukkat portussusissaasa annertussusissaasalu naatsorsorneqartarnerat, aammalu sanaatukkap taassumalu nunataata portussusissaannik aalajangersaasarneq,
- 8) iliuusissat, sanaartukkani piovereersuni taamatullu nutaani aatsitassanik pisariaqanngitsumik atuinissamut pinaveersaartitsissutaasussat, taakkununnga atortunik sananeqaatinillu aalajangersimasunik atuinissamut, aamma atortunik atoqqiinissamut aalajangersakkat ilaatinneqarlutik, kiisalu
- 9) iliuusissat, sanaartukkat atortulersuutaasalu ilaanni akunnaatsumik ingerlatsinissamut, aserfallatsaaliuinissamut nutarterinissamullu iluaqutaasinnaasut.

Imm. 2. Illuliornermi malittarisassani ininut suliffiusussanut maledruagassanut atatillugu, sulisut peqqissusaannut ilorrisimaarnissaannullu iliuusissat, soorlu isersimaartarfiit, nerisarfiit, atisaasiviit, atisaajartarfiit, perusuersartarfiit, errorfiit uffarfiillu, kiisalu sinittarfiit pequillu suliarineqarnissaannut ilusilersorneqarnissaannullu aalajangersakkanik aalajangersaasoqassaaq.

Imm. 3. Illuliornermi malittarisassat sillimanissaq peqqinnissarlu eqqarsaatigalugit teknikkikkut atortulersuutinik ingerlatsinermut aserfallatsaaliuinissamullu maledruagassiortoqarsinnaavoq. Maledruagassat atortunut nutaanut piovereersunullu atuutissapput.

§ 7. Illuliornermi maledruagassani nunaminertat sanaartorfigineqanngitsut sanaartukkanut atasut meeqqanit inersimasunillu naammaginartumik najorneqarsinnaasunngorlugit, aqqusinertigut qimanneqarsinnaasunngorlugit tikinneqarsinnaasunngorlugillu, qatserisartut

annaassiniarnissaannut aammalu biilit uninnissannut periarfissaqartillugit angissusissaat, atortussat ilusilorsorneqarnissaallu pillugit aalajangersaasoqarsinnaavoq.

Imm. 2. Nunaminertat sanaartorfigineqanngitsut, imm. 1 naapertorlugu maleruagassiarineqartut tunngavigalugit atugassanngortinnejarsimasut akuerineqarsimasullu siunertarineqartut unionlugin atorneqaqqusaangillat. Sanaartukkami inatsisip atututilernissaa sioqqullugu sananeqarsimasumi nunaminertanik sanaartorfiunngitsunik, imm. 1-imi siunertatut taaneqartunik naammassinninnissamut piukkunnaatilinnik peqarpat, taakku sanaartorfigineqarnissaannut imaluunniit siunertat pineqartut unionlugin atorneqarnissaannut kommunalbestyrelsi akerliusinnaavoq.

Imm. 3. Sumiiffimmut pilersaarummi imaluunniit kommunimi pilersaarusrornermut malittarisassani imm. 1 naapertorlugu pissutsinut aalajangersaasoqarsimatillugu, maleruagassat imm. 1 naapertorlugu aalajangersarneqarsimasut atorneqassanngillat.

§ 8. Illuliornermi malittarisassani sanaartukkat akunnerminni naammaginartumik ungasissuseqarnissaat qaammaqqusersorneqarnissaallu qulakkeerniarlugu, sanaartukkat portussusissaat aammalu taakku aqqusinernut sanaartukkanullu saniliusunut ungasissusissaat pillugu maleruagassanik aalajangersaasoqarsinnaavoq.

Imm. 2. Sumiiffimmut pilersaarummi imaluunniit kommunimi pilersaarusrornermut malittarisassani imm. 1 naapertorlugu pissutsinut aalajangersaasoqarsimatillugu, maleruagassat imm. 1 naapertorlugu aalajangersarneqarsimasut atorneqassanngillat.

§ 9. Illuliornermi malittarisassani aalajangersakkani sanaartukkat makkua pineqartunut ilaasimanngippata, pisuni tamani ataasiakkaani inatsisini isumagisassatut siunnerfigineqartut eqqarsaatigalugit communalbestyrelsip piumasaqaatai malillugit sananeqartassapput:

- 1) Sanaartukkat inillu anginerusut pisiniarfittut, allaffittut, suliffissuartut, sannavittut toqqorsivittullu atorneqartussat.
- 2) Oqaluffit, isiginnaartitsisarfiit, akunnittarfiit, paaqqinnittarfiit, napparsimmaviit, perorsaaviit, sanaartukkat ilinniartitsinermik, saqqummersitsinermik nuannaariartitsinermilluunniit siunertaqarfiusut, kiisalu sanaartukkat inilluunniit annerusut, inunnit amerlasuunit katersuuffigineqartartut.

§ 10. Sanaartukkat, nunaminertat sanaartorfigineqarsimanngitsut sanaartukkamut atasut aammalu taamatullu ilusilerneqarsimasut naammaginartumik pitsaasutinnejarsapput, taamaalillutillu sanaartukkami najugaqartunut allanullu ulorianaaateqassanngillat allatulluunniit annertuunik amigaateqassanatik. Sanaartukkat inissismaffiat eqqarsaatigalugu piissusissamisoortumik pitsaassuseqartinnejarsapput.

Imm. 2. Sanaartukkap qanga sananeqarsimanera apeqquataatinnagu imm. 1-imi aalajangersagaq atutissaaq.

§ 11. Sanaartukkani nutaani kiisalu sanaartukkani piovereersuni innaallagissamik, imermik kiassarnermillu atuinermut immikkut uuttuusersuisoqarnissaa, kiisalu teknikkikkut atortorissaarutinik siunertamut pisariaqartinneqartunik suliaqartoqarnissaa pillugu Naalakkersuisut maleruagassiorsinnaapput.

Imm. 2. Uuttuutit immikkoortut atuinermik uuttuisarnermut tunngaviusutut atorneqassanersut, aammalu qanoq pisoqartillugu immikkut uuttusiinissamut piumasaqaatinik saneqqutsisoqarsinnaassanersoq pillugu maleruagassanik Naalakkersuisut aalajangersaasinnaapput.

Imm. 3. Inissiami imaluunniit inuussutissarsiornermut immikkoortortami annaasaqarfiusinnaasumi inissismaffeqartumi kiassarnermik atuinermut uuttusiinermi, kissap annaasassap annertussusissaanut, aammalu sulianik taamaattunik suliaqarnissamut

maleruagassani iluarsiisoqassanersoq pillugu maleruagassanik Naalakkersuisut aalajangersaasinjaapput.

§ 12. Allanngortiterinissamut imaluunniit allanngortitsinissamut pilersaarutaasoq illuliorfiup tikikkuminassusaanut annertuumik pingaarteqanngikkaluartoq, sanaartukkani pioereersuni allanngortiterinermut aamma allannguinernut allan, illuliornermi malittarisassani, tak. § 5, tikikkuminassuseq pillugu aalajangersakkat atorneqassanersut Naalakkersuisut aalajangersaasinjaapput. Taakkununnga ilanngullugu suliassap pilersaarutaasup suliarineqarneranut sanaartornermi aningaasartuutit aamma aalajangersakkat malillugit tikikkuminassusissamut pitsannguinernut aningaasartuutit akornanni aningaasaqarnikkut ataqtigitiqassanersoq, taamaalillunilu aningaasartuutit akornanni nikingasoqalinnginnissaanut qulakkeerisoqassanersoq pillugu Naalakkersuisut aalajangersaasinjaapput.

Imm. 2. Imm.1 malillugu maleruagassat aalajangersarneqartut sanaartukkami pioereersumi imatut immikkoortinnejarsinnaapput:

- 1) Sanaartugaq tamanut ammasumik iserfigineqarsinnaasoq.
- 2) Sanaartugaq inuussutissarsiornermi allaffisornermut sullissinermullu atorneqartoq.

Kapitali 3 *Aqutsinermut aalajangersakkat*

§ 13. Suliassat § 2-mi pineqartut kommunalbestyrelsimit sananissamut akuersissummik pissarsisimatinnani aallartinneqaqqusaanngillat. Qinnuteqartup paasissutissanik qinnuteqaatip nalilersorneqarnerani pisariaqartinneqartunik tunniussinissa pillugu communalbestyrelsi piumasaqarsinnaavoq. Sanaartukkamut suliimi pissutsit tamarmik inaarutaasumik inissinneqanngikkaluartut sanaartugaq aallartinneqarsinnaasoq communalbestyrelsi naliliippat, sananissamut akuersissut immikkoortukkaarlugu agguarneqarsinnaavoq. Akuersissutip ullulerneqarneraniit ukioq ataaseq qaangiutsinnagu suliassat akuersissummi pineqartut aallartinneqarsimanngippata, akuersissut atorunnaassaaq. Sanaartugaq arlalinnik immikkoortulik aallartinneqarnerminiit ukiut marluk qaangiutsinnagit naammassineqarsinnaanngitsoq ilimagineqarpal, akuersissut sulihamut immikkoortumut killilerneqassaaq.

Imm. 2. Illuliornermi malittarisassani inatsisit allat naapertorlugit qinnuteqaatigineqartumut akuersissutissatut pisariaqartinneqartut nalunaarutigineqarnissaat sioqqullugu communalbestyrelsip imm. 1 naapertorlugu nalunaaruteqarsinnaannginneranut aalajangersaasoqarsinnaavoq.

§ 14. Suliat § 2-mut ilaatinneqartut communalbestyrelsi akuersiteqqaarnagu atorneqalissanngillat. Illuliornermi malittarisassani sanaartukkak naammassivinneqanngitsut atorneqarallarnissaannut aalajangersakkanik ilanngussisoqarsinnaavoq.

§ 15. Illuliornermi malittarisassani akuersissutinut § 13, imm. 1-im aamma § 14-im taaneqartunut piumasaqaatinik sakkukinnerulersitsinissamut aalajangersakkanik ilanngussisoqarsinnaavoq, taakkununngal ilapput aalajangersakkat, sanaartukkanut aalajangersimasunik ilusilinnut piumasaqaatinik tamakkiisumik ilaannaasumilluunniit ilaatisiviunngitsut.

§ 16. Pissutsinik, inatsimmut matumunnga aammalu inatsit naapertorlugu peqqussusiarineqartunut uniuuttunik iluarsiinissaq sukkulluunniit sanaartukkamik piginnittup

pisussaaffigaa. Aamma sanaartugaq inatsisit uniorlugit atorneqalerpat tamanna atuisup pisussaaffigissavaa.

Imm. 2. Piginnittoq atuisorluunniit, pissutsinik inatsisinik uniuffiusunik iluarsiinissamik kommunalbestyrelsimit peqquneqarnermini malinninngitsoq, eqqartuussivitsigut aalajangiinikkut piffissap aalajangerneqartup iluani ingerlaavartunik akiliisussanngortinnejarluni pissutsinik iluarsiinissamut peqquneqarsinnaavoq. Akiliisitsissutit Nunap Karsianut tutsinneqassapput.

Imm. 3. Eqqartuussivitsigut aalajangiineq malillugu pissutsinik inatsisinik uniuffiusunik iluarsiinissamut peqqussutit nalunaarutigineqartoq piffissaq eqqorlugu naammassineqanngippat, aammalu akiliisitsissutissanik akiliisitsiniarneq peqqussutip naammassineqarnissaanik kinguneqartussatut isumaqarfingineqanngippat, kommunalbestyrelsip pisariaqartitsineq malillugu pissutsit piginnittumut imaluunniit atusumut akiligassanngorlugu iluarsiiffigisinnaavai.

§ 17. Sanaartukkap amigaateqarnera pissutigalugu najugaqartunut allanullu ulorianartorsiortsisoqalissappat, sanaartukkap taassumalu avataani nunaminertat pisariaqartinneqartut malillugit assorsorneqassasut inuerutsinneqassasullu kommunalbestyrelsip piumasarisinnaavai. Assersuinissamut inuerutsitsinissamullu peqqussut ergerluni naammassineqanngippat, eqqartuussivitsigut aalajangiinikkut kommunalbestyrelsip tamanna piginnittumut akiligassanngorlugu naammassisinnaavai.

Kapitali 4 *Kommunimi akuersissuteqarneq*

§ 18. Suliassamik suliaqarnermini inatsit manna aammalu maleruagassat inatsit tunngavigalugu aalajangersarneqartut malinneqarnersut kommunalbestyrelsip nakkutigissavaa.

Imm. 2. Inatsit manna imaluunniit maleruagassat taaneqartut malillugit peqqussutit malinneqarnersut, aammalu akuersissutini imaluunniit immikkut ittumik akuersissutini piumasaqaatigineqartut malinneqarnersut kommunalbestyrelsip nakkutigissavaa.

Imm. 3. Kommunalbestyrelsip unioqqutitsisoqartoq paasiguniuk, pineqartumi pissutsit pingaaruteqanngitsut pineqanngippata, inatsisit malinneqarnissaat anguniassavaa.

Imm. 4. Akuersissummik pigisariaqartumik pissarseqqaarani sanaartukkap aallartinneqartup unitsinneqarnissaanik peqqusissuteqarneq § 23 malillugu maalaarutigineqarsinnaanngilaq, tamatumani suliaq siuomoortumik akuersissuteqarfingineqartussatut pisariaqartitsiviunngitsoq pineqanngippat.

Eqqartuussivimmi aalajangiinertaqanngitsumik isersinnaaneq

§ 19. Sanaartukkami inatsimmik imaluunniit inatsit malillugu aalajangersakkanik suliarineqarsimasunik piumasaqaatinillu saqqummiunneqartunik unioqqutitsisoqarsimanersoq misissorniarlugu kommunalbestyrelsi eqqartuussivimmi aalajangiinertaqanngitsumik sanaartukkamut isersinnaanissamik piumasaqarsinnaavoq.

Imm. 2. Kommunip nakkutilliinermut sulisui piumaffigineqarnermikkut kinaassutsimut upernarsaammik takutitsissapput.

§ 20. Inatsimmi tunngaviliineq naapertorlugu illuummut isernissamut, aammalu § 19 naapertorlugu assersuinissamut inuerutsitsinissamullu politiit kommunalbestyrelsimit ikuutissapput.

§ 21. Inatsit aammalu taanna tunngavigalugu aalajangersagaliarineqartut malillugit kommunalbestyrelsip aqutsinissaanut maleruagassat illuliornermi malittarisassani aalajangersarneqarsinnaapput.

Imm. 2. Aalajangersakkat sanaartukkanut maleruagassiarineqartut malillugit aqutsinermi kommunalbestyrelsip oqartussasaasunut allanut suleqateqarnissaa pillugu aalajangersakkanik Naalakkersuisut aalajangersaasinnaapput.

Kapitali 5

Immikkut akuersissuteqarsinnaaneq

§ 22. Inatsimmi aalajangersakkanik aamma inatsit malillugu aalajangersarneqarsimasunik saneqqutsinissamut immikkut ittumik akuersissuteqartoqarsinnaavoq, tamanna eqqarsaatigisassanut aalajangersakkani pineqartuni tunngavigineqartunut naapertuuttutut naliliiffigineqarpat.

Imm. 2. § 8-mi maleruagassat aalajangersarneqartut saneqqunneqarnissaannut immikkut akuersissutit aatsaat nalunaarutigineqarsinnaapput, sumut immikkut akuerineqarnissamik qinnuteqartoqarnersoq pillugu aammalu sapaatip akunneri pingasut qaangiutsinnagit oqaaseqaatit kommunalbestyrelsimit nassiunneqarsinnaanerat pillugu kommunalbestyrelsip sanaartukkamut pineqartumut saniliusunut ilisimatissuteqareerneraniit sapaatit akunneri pingasut ingerlareerpata.

Imm. 3. Sanaartornermi suliassamut immikkut akuersissuteqarfiusumut ukiut marluk qaangiutsinnagit akuersissummik tunniussisoqanngippat, immikkut ittumik akuersissut atorunnaassaaq. Sanaartornermi suliassaq immikkut ittumik akuersissuteqarfiusoq aallartinneqanngippat, immikkut ittumik akuersissut sanaartornerup aallartinnissaanut akuersissut ilanngullugu atorunnaassaaq, tak. § 13, imm. 1.

Imm. 4. Immikkut ittumik akuersissutit kommunalbestyrelsimit nalunaarutigineqassapput. Kommunalbestyrelsip immikkut ittumik akuersisarnermut oqartussasaasutut sulinerat pillugu aalajangersakkanik Naalakkersuisut aalajangersaasinnaapput.

Kapitali 6

Maalaarutit

§ 23. Apeqqtinut inatsisinik tunngaveqartunut tunngatillugu pissutsinut inatsimmi matumani pineqartunut tunngatillugu kommunalbestyrelsip aalajangiineri, taamaattorli tak. § 18, imm. 4, Naalakkersuisunt maalaarutigineqarsinnaapput.

Imm. 2. Kommunalbestyrelsip aalajangiineri allat aqutsinermi oqartussasaasunut allanut maalaarutigineqarsinnaanngillat. Imm. 1 naapertorlugu Naalakkersuisut aalajangiineri aqutsinermi oqartussasaasunut allanut maalaarutigineqarsinnaanngillat.

Imm. 3. Suliap inernissaanut annertuumik soqutigisaqartut ataasiakkaat kikkulluunniit kommunalbestyrelsip aalajangiineri pillugit maalaaruteqarsinnaapput.

§ 24. Allamik aalajangiisoqarsimatinnagu ullormit aalajangiinerup tigusisussamut nalunaarutigineqarfianit sapaatit akunneri sisamat periarfissaritinneqarput.

Imm. 2. Kommunalbestyrelsip peqqussutaa pillugu maalaaruteqarneq naammassinninnginnissamut pisinnaatitaaffiliinngilaq. Taamaattorli maalaarut kinguartitsinissamut tunngavigineqassanersoq maalaaruteqarnermut oqartussasaasut aalajangersinnaavaat.

§ 25. Inatsit manna imaluunniit inatsit manna naapertorlugu peqqussusiaasimasut malillugit aqtsisoqarfimmi aalajangiinerit isummerfigitinniarlugit eqqartuussisulersuussinissat, ullormit

aalajangiinerup pineqartumut nalunaarutigineqarfianiit qaammatit arfinillit qaangiutsinnagit suliakkiissutigineqassapput.

Kapitali 7 *Akuersissutit piffissamut killilikat piumasaqaateqarfiusullu*

§ 26. Inatsit manna naapertorlugu kommunalbestyrelsip akuersissutaa atuukkallartussatut, imaluunniit sanaartugaq immikkut ittumik iluseqarpat, sananeqarpat, inissisimaffeqarpat allatulluunniit issuteqartumik piffissamut killiliiffigineqarnissaa pisariaqarpat piffissamut aalajangersimasumut atuuttussatut nalunaarutigineqarsinnaavoq.

Kapitali 8 *Akitsuutit*

§ 27. Inatsit naapertorlugu kommunalbestyrelsip qinnuteqaatinik suliaqarnissaanut akitsuutissat pillugit Naalakkersuisut maleruagassiussapput.

Imm. 2. § 5, imm. 3 aamma § 11 naapertorlugu iliuusissanut aallartinneqartussanut akitsuutissat pillugit Naalakkersuisut maleruagassiorsinnaapput.

§ 28. Akitsuutit § 27-mi taaneqartut, aamma aningaasat kommunalbestyrelsip inatsit naapertorlugu siumoortumik naatsorsorsimasai illuutip qularnaveeqqusiiissutigineqarneratigut akilersinniarneqarsinnaapput.

Imm. 2. Aamma akitsuutit aammalu imm. 1-im i aningaasartaliussat akilerneqannngitsut pisortanut akiitsut akilerneqannngitsut akilersinniarneqartarnerat pinngitsoortinniarneqarnerallu pillugit Inatsisartut inatsisaanni maleruagassat naapertorlugit akissarsianik il.il. ilanngaassisarnikkut akilersinniarneqarsinnaapput.

Kapitali 9 *Pineqaatissiissutaasinnaasut*

§ 29. Akiliisussangorluni pineqaatissinneqarsinnaavoq.:

- 1) inatsisini maleruaqqusat imaluunniit inatsit tunngavigalugu peqqussutit suliarineqartut malillugit akuersissummik piniaqqaarani sanaartugassanik aallartitsisoq, sanaartukkamik atuilersoq imaluunniit iliuusissanik allanik allartitsisoq, imaluunniit iliuusissanik allanik, oqartussaasumit pineqartumit akuerineqartumit allaanerusumik iliirluni siumoortumik akuersissummik piniaqqaarluni suliarineqartussamik aallartitsisoq,
- 2) piumasaqaatinik inatsit malillugu akuersissummi aalajangersarneqartunik, imaluunniit inatsit naapertorlugu aalajangersakkanik suliarineqartunik unioqqutitsisoq,
- 3) inatsit malillugu akuersissummi aalajangersarneqartut, imaluunniit inatsit naapertorlugu aalajangersakkanik suliarineqartut naapertorlugit peqqussummik imaluunniit inerteqqummik naammassinninngitsoq, imaluunniit
- 4) aserfallatsaaluiinissamik, sanaartukkami najugaqartut allallu ulorianartorsiulernissaannut pinngitsuuiniarluni pisariaqartinnejqartumik suliaqanngitsoortoq.

Imm. 2. Peqqussutini aalajangersakkanik unioqqutitsineq akiliisussangortitsinermik kinguneqassanersoq, inatsit malillugu peqqussutini aalajangersarneqarsinnaavoq.

Imm. 3. Sanaartukkap suliarineqarnerani inatsisit malinneqarsimanngippata, sanaartukkamik isumaginnittusoq imaluunniit suliaqartoq akiliisussangortinnejqarsinnaavoq, pissutsillu malillugit marluullutik akiliisussangortinnejqarsinnaapput. Suliassamik isumaginnittussanngortitsisoq taamaallaat akisussaatinneqarsinnaavoq, akiliisussangortitsinermi akisussaatinneqartussamik allamik taasisinnaanngippat, imaluunniit

pineqartup inatsisinut uniuuttuneranik ilisimannilluni pasitsaassaqarsimalluniluunniit suleqataasimappat. Pissutsit malillugit inuit imm. 1-imí taaneqartut akisussaatinnejarsinnaapput.

Imm. 4. Inatsimmi imaluunniit peqqussutini inatsit malillugu aalajangersarneqartuni akiliisussangortitsinissaq tunngavissaqarpat, pisinnaatitaallunilu pisussaatitaasoq Kalaallit Nunaanni pinerluttulerinermut inatsimmi maleruagassat malillugit akiliisussangortinnejarsinnaavoq.

Imm. 5. Inatsit manna imaluunniit inatsit manna naapertorlugu peqqussutigineqartut malillugit akiligassanngortinnejartut Nunap Karsianut tutsinnejassapput.

Kapitali 10

Atuutilerfia

§ 30. Inatsisartut inatsisaat 1. juli 2010 aallarnerfigalugu atuutilerpoq.

Imm. 2. Tamatuma peqatigisaanik pilersaarusrorneq aamma nunaminertat atorneqartarnerat pillugit Inatsisartut peqqussutaanni nr. 11-mi, 5. december 2008-meersumi §§ 33, 34 aamma 35 atorunnaarsinnejarpuit.

Imm. 3. Inatsisartut peqqussutaat imm. 2-imí taaneqartoq naapertorlugu maleruagassat piumasaqaatillu inatsimmi matumani maleruagassat aalajangersarneqartut tunngavigalugit taarserneqarnissamik atorunnaarsinnejarnissamillu tungaanut atuutiinnarallassapput.

§ 31. Pituffimmi sakkutooqarfik inatsimmut matumunnga ilaatinnejanngilaq.

Namminersorlutik Oqartussat, ulloq xx xx 2010

Kuupik Kleist

/

Jens B. Frederiksen